

DISSERTATIO MEDICA INAUGURALIS,  
QUÆDAM DE  
VENÆSECTIONE COMPLECTENS;

QUAM,

ANNUENTE SUMMO NUMINE,

Ex Auctoritate Reverendi Admodum Viri,

D. GEORGII BAIRD, S. S. T. P.

ACADEMIÆ EDINBURGENÆ PRÆFECTI;

NECNON

Amplissimi SENATUS ACADEMICI Consensu,

Et Nobilissimæ FACULTATIS MEDICÆ Decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS  
RITE ET LEGITIME CONSEQUENDIS;

ERUDITORUM EXAMINI SUBJICIT

ABRAHAMUS COLLES,  
HIBERNUS;

A. B. T. C. D.

SOCIUS LICENTIATUS COLLEGII

REGALIS CHIRURGORUM IN HIBERNIA.

AD DIEM 24 JUNII, HORA LOCOQUE SOLITIS.

---

---

*Quis leget hæc? min. tu istud ais? nemo Hercule, nemo?*

*Vel duo, vel nemo.*

PERSIUS, Sat. I.

---

---

EDINBURGI:  
CUM PRIVILEGIO.  
APUD ROBERTUM ALLAN,

MDCCXCVII.



RICARDO COLLES,

JURISCONSULTO, PATRUO DILECTO

CUJUS

AMICITIA, ET BENEFICIA VERE PATERNA

SIBI DELATA

SEMPER ALTA MENTE REPOSTA MANEBUNT:

NECNON,

GULIELMO COLLES,

FRATRI CHARISSIMO,

CUI SE DEVINCTUM ESSE PALAM AGNOSCIT,

NON TAM CONSANGUINITATE

QUAM STRENUA IMMOTAQUE EJUS VIRTUTE,

ET ANIMO BENEVOLENTIA SUMMA IMBUTO,

HOC

OBSERVANTIÆ, ET FIRMÆ AMICITIÆ

TESTIMONIUM UTCUNQUE LEVE OFFERT,

AUCTOR.



---

---

DISSERTATIO MEDICA  
INAUGURALIS,  
QUÆDAM DE  
VENÆSECTIONE COMPLECTENS,

---

---

AUCTORE, ABRAHAMO COLLES.

---

---

**H**UJUS almæ academîæ legibus coactus, quæ unumquemque medicinæ honores ambientem, utut invitum, dissertationem de re aliqua ad medicinam pertinente in lucem proferre jubent, mecum decrevi de Venæsectione quædam scribere : quare vero hac, ex magnâ quam scientia medicinæ præbet sylvâ excerpfi, paucis accipe. Cum nuperrime per quinquennium ad chirurgiæ studium incumberam, mihi contigit, ut in noscomio peramplo plures vide-

rem ægros talibus laborantes morbis, quales sanguinis detractiōe egere visum est. Hæc datâ itaque occasione, fieri non potuit quin salutare hujus evacuationis effectus iterum atque sæpius viderem. Quando vero nuperrime medicinæ operam dare statui, multos morbos et magis cito, tute et jucunde ad finem perductum iri arbitrabar, (analogia usus) si modo medicorum animi a phlebotomiâ haud abhorrent. Undenam hæc lanceolæ formido effret quærenti diu, multaque mecum reputanti sequentes protulerunt sese causæ. Medici, in genere, proprio judicio nimis parum utentes, aliorum oculis plus æquo confidunt, imo etiam quæ illorum observationi sese obtruserunt, ut ut plane pateant, his tamen diffidunt, si modo auctoritati magnorum nominum adverstarentur. Hi vero magnorum nominum viri, vel militum sanitatem advigilantes in regionibus infulisque tropicis, ubi aeris cœlique natura lanceolæ vetant usum, artem medicinam excoluerunt; vel in nosocomio peramplo, ubi pauperum squalidorum conferta turba aerem inquinaverunt; unde evenit ut omnium ægrorum qui in hoc recipi-

antur

antur morbi plus minus naturam induant febris quæ *Jail or Hospital Fever* audit ; et hanc ob causam in horum morbis minus idoneus evadit lanceolæ usus. Plurimi vero dum medicinæ ad studium incumbabant, limine in ipso, mente capti sunt quâdam theoriâ nitidâ, quam, vel scriptoris ingenium ornavit, vel cui professoris auctoritas (minime enim negandum est et professores hac non prorsus caruisse culpâ) momenti haud parvum addiderunt : quod si sanguinis detractio receptæ hypothesei adverteretur, ejus usum tanquam inutilem vel etiam perniciosam repræsentabant. Hypotheses vero quibus imbuitur animus diu servat, hisque in medicinâ excolendâ veluti ducibus, postea utitur. Quod vero auctoritatem vel antiquorum vel medicorum hodie celebrium pro nihilo habeamus, minime auctor essem ; neque enim me latet quibus cum difficultatibus circumdamur dum observationes condere volumus ; has enim sæpe repetere, easdem quam maxime variare et in aliis corporibus, aut eodem in corpore, alio tempore, aliâ conditione, et rebus ex-

ternis quam maxime diversis existentibus, tentare, admodum necessarium erit.

Cum ab his et similibus causis animos medicorum prorsus a venæsectione alienos esse suspicabar, mecum decrevi in hâc dissertiunculâ pauca de ejus quos vidi, effectibus in morbis quibusdam sanandis dicere, hâc scilicet spe, ut unus aut alter quos vel munus academicum vel fors aliqua, hæc legere cogerint, secum reputent; ecquinam sint morbi plagis hisce in septentrionalibus, qui hoc remedio adhibito, magis feliciter curarentur quam hodiernâ a praxi? Quoniam parum medici profecerunt hactenus et parum, ni fallor, profecturi sunt in posterum qui, nullâ adhibitâ ratiocinatione, solâ experientiâ semet occupaverint.—“ Theoriâ enim medicâ seu principiis quibusdam generalibus egemus, quibus innixi in novis aut arduis occasionibus dirigamur, et ad eam medendi rationem tentandam perducamur quæ naturæ morbi et conditioni ægri rite accommodata, et tutissima ipsa fuerit et maximum simul beneficium et auxili-  
 “ lium



“ lium promiserit.” His inductus argumentis, quibus, (si veritati vires nomen addat) GREGORIUS noster haud parum momenti addidit ; non solum effectus phlebotomiæ quos ipse vidi, qua potui enarravi fidelitate, sed quibusdam de circuitu ejusque cum genere nervoso nexu præmissis, ratiocinatione analogiâque usus, quasdam opiniones conjecturales ejus de usu in aliis morbis tractandis proponere ausus sum.

Nexu quam arctissimo, vel potius necessitudine mirandâ organa sanguinem promoventia cum cerebro nervisque connectuntur ; ita ut, ad hæc excitanda suisque muneribus aptanda, sanguinis circuitus sanus desideratur ; variisque vasorum hæmatorûm conditionibus varie cerebri nervorumque functiones afficiuntur. Perpaucis exemplis ad hanc opinionem confirmandam opus esse duco. Auctum sanguinis impetum aucta senilitas comitatur : hoc validam post exercitationem unusquisque in semetipso experiri licet : auctâ vero solummodo sanguinis velocitate, uti in debilibus et quibus larga  
inanitio

inanitio accidit, augebitur plerumque sensibilitas : quod si plus æquo sanguinis in capite congeratur, tunc lassitudine spontaneâ, ad motum torpore, sensuum hebetudine hominem laborare videmus. Licet virium musculorum causas in totum explicare nequeamus, tamen quædam cum iis proprius conjuncta cernere datur. Mobilitatem vigoremque a statu cerebri, nexuque quem muscoli cum nervis habent, pendere videmus ; quoniam vero vasorum hæmatophorum variæ conditiones cerebrum nervosque afficiunt, musculorum etiam vires inde affici necesse fit, clare patet. Sic aucto sanguinis caput versus impetu, augentur musculorum mobilitas atque vigor : congestionem in capite comitantur ad motum torpor, debilitatisque species. Si vero aucta velocitas cum sanguinis diminutâ quantitate jungatur, tunc mobilitate morbosâ, debilitate verâ muscoli laborant.

Physiologis medicisque olim sententia fuit systema sanguiferum in musculorum vires latum habuisse imperium sine cerebri nervorumque interventu ;

variò scilicet illius quoad distentionem inanitionem-que statu. Musculi omnes in corpore animali vivente, vi gaudent Tonicâ; hanc vim Tonicam pendere rati sunt a distentione ultra statum naturalem, eum videlicet statum, quem agente elasticitate solâ tenerent musculi. Hanc distentionem præbere dicebant actionem muscutorum oppositorum, pondus quas sustinent partium, et præ aliis causis vasa sanguifera, quæ tam intime sese omnes per muscutorum fibras dispertiunt, ut fieri aliter non possit quin illorum plenitudo has quam plurimum distendat: hæc opinio ex hâc re confirmari videbatur, quod, auctâ, quospiam intra limites, distentione, augetur Vis Tonica.

Hæc sententia (meo iudicio) basi haud satis stabili nititur. Tantum enim abest ut musculus, ultra statum, quem elasticitate teneret, distenderetur, quod periculis de industriâ factis jam comprobatur, longe aliam existere conditionem. Nam si animal quâdam subitæ mortis specie perementum esset, e. gr. plagâ in ventriculum impactâ, fulminis ictu, irâ,

vel

vel animi gravioribus affectibus ; rebus sic sese habentibus, compertum est aliquem muscolum e corpore excisum, et postea in locum repositum, nunc longe ultra limites originem inter insertionemque sese extendisse. Ex quibus concludere licet (vi elasticitatis a vitâ minime pendente et adhuc superflite) muscolum, dum vixit animal, contractum fuisse intra limites elasticitati proprias, vi quâdam, in brevius illum redigere perpetuo nitente. Hæc Vis Tonica appellatur. Tali gaudere dote, similibus ac longitudinales adstringi legibus fibræ circulares musculorum, quæ scilicet cava organa aut viscera formant vel circumdant, celebris JOANNES HUNTER suis experimentis, in vasa sanguifera factis, clare evicit : quoniam ergo videmus vim tonicam a distentione haud pendere, reliquum est, ut a cerebro deveniat ; et energiæ, sic dictæ, seu potestati cerebri nervosæ debeatur. Imperium quod hæc energia ; cujus natura nec mihi nec aliis cognita est, in vim tonicam possidet ex hæc conspici potest ; quod affectus animi excitantes hanc mirum in modum adaugent, deprimentes hanc in tantum minuunt

nuunt ut pene deleri videantur : quod si jam gravior, inopinufque affectus animi hominem perimat, mufculos hâc vi penitus orbatos effe nupera experimenta comprobaverunt. Neque tamen interea negandum, quin auctâ diftentione, augebitur mufculorum tonus : hoc vero efficit diftentio energiam cerebri excitando.

Nec defuerunt alia argumenta ex fanguinis detracti effectû ducta ; nempe, quod nihil magis quam fanguinis detractio vires univerforum in corpore mufculorum diminuit, cujus rationem haud obfcurem effe dicunt. “ Tam intime enim omnes per mufculos feſe diſpertiunt vaſa fanguifera, et tam arctus diftentionem inter et tonum intercedit nexus ut, vaſorum diminutâ diftentione, neceſſe eſt omnium mufculorum minuatur tonus.” Hoc vero argumentum, ut mea fert ſententia, fallaciâ haud expers invenietur. Haud raro enim accidit, ut paucarum unciarum diſpendium hominem robuſtum animo linqui faciat ; paucas vero unicas inter et totam circumfluentis laticis copiam tantum diſcrimen intereſt, ut vix in animo concipiamus, tantillam

quantitatem, omnes etiam minutissimos et remotissimos vasorum ramulos deplere posse: quodque haud minus ad rem est, ex eodem homine jam recumbente per plures sanguinis uncias detrahere possumus, nullo sequente animi deliquio, nec multum fractis musculorum viribus. Nonne igitur verosimilius est hocce effectus potius mutatæ cerebri conditioni quam vasorum fanguiferorum depletioni deberi?

Ut huic quæstioni respondere queamus, paulo fusius de nexu, qui obtinet cerebri inter functiones et statum systematis fanguiferi, agere necesse duco.

Totius ergo laticis circumfluentis copiæ pars circiter decima ad encephalon tendit, scilicet quadruplo major ac ullam ad aliam corporis partem, habitâ ad pondus ratione. Hinc colligere fas est, ad cerebrum excitandum suisque muneribus aptandum opus esse largâ sanguinis copiâ. Maximam etiam impendisse curam natura videtur, ut vasa fanguifera chordis fibrillisque nervosis ubique intertextat: fibrillæ enim nervosæ in toto suo

fuo decurfu ufque ad fines ultimos piâ matre inveftiuntur, quæ robur medullæ impertitur, et plurima ad illas tendentia vafa fuffentat. Quantum ad nervorum functiones confert hic textus, etiam ex hoc liquet, quod ex corporis partes fenfilitate acutiffimâ pollentes, quam plurimis gaudent vafculis quæ nerveas fibrillas undique perreptant et cum iis intime mifcentur : hoc, in linguâ, oculis, in omnibus demum organis fedibusque fenfuum, videre licet. Hanc noftram affirmationem corroborare videntur inflammationis phœnomena : in parte enim inflammata auctam fanguinis quantitatem aucta fenfibilitas comitatur. Omne vero hâc de re exemit fcrupulum celeberrimus MONRO \* periculis compluribus in ranas factis, quorum unum hic narrare fat erit. “ I have

“ found, after the fciatic nerve had been cut, and

“ the member was infenfible and motionlefs, that

“ the circulation of the blood remained for a year

“ thereafter, rapid and free in the hind-leg of a

“ frog ; nay, that when I had broken the bones

B 2

“ and

\* Vid. MONRO'S Observations on the Nervous System.

“ and wounded the flesh, an inflammation was ex-  
 “ cited, and at last the wounds were closed with  
 “ new matter, and the broken bones reunited.  
 “ Yet we have the strongest reasons for believing,  
 “ that the small vessels in circulating the blood,  
 “ in inflammation, and in the production of new  
 “ matter, are actuated by a nervous energy,  
 “ which, in the case before us, could only have  
 “ been furnished to the nerves by the vessels of  
 “ the Pia Mater and the cineritious substance it  
 “ produces.”

Omnibus ex his colligere licet, magnâ sanguinis  
 copiâ opus esse cerebro nervisque ut illorum func-  
 tiones rite peragantur : et quoniam encephalon  
 tantum pro ratâ parte sanguinis accipiat, mutatio-  
 nes etiam leves in sanguinis copiâ hanc, magis  
 quam cæteras corporis partes, affectum iri.

Rebus sic sese habentibus, anne rationem redde-  
 re queamus, cur, homine erecto, si perpaucæ e-  
 ducantur sanguinis uncix animo deficit, dum i-  
 dem, si modo supinus recumbat, multo majus dis-  
 pendium ferat, levi duntaxat superveniente debili-  
 tatis sensu ?



Dum corpus erecto servatur situ, plurimi musculi voluntati obedientes contrahuntur; ad hanc contractionem perficiendam opus est haud parum majori potestatis nervosæ cerebri copiâ quam quæ ad vim tonicam univerforum in corpore musculorum conservandam sufficit: nunc si sanguinis uncia una vel altera subito educatur, hæc evacuatio cerebrum præsertim afficiet, et ejus functiones, ideoque potestatem nervosam debiles reddet. Hujus nervosæ potestatis diminutio in vim musculorum tonicam incumbet. Cordis igitur arteriarumque vires collabuntur, nec momento fat forti sanguinem promovent; caput vero, situm ob erectum, hæc virium diminutione magis quam cæteræ corporis partes afficietur; potestate itaque nervosâ omni in temporis articulo diminutâ, pro ratâ parte minuentur cordis arteriarumque vires, donec tandem vel profus deficient, vel saltem ad encephali actionem conservandam impares fiunt, ideoque homo in animi deliquium incidit.

Nunc vero ad ea quæ dum homo supinus recumbat, in sanguinis missione accidunt, animum advertamus:

mus:

mus: hoc in casu muscularis contractio quam minima est, quam minimum nervosæ potestatis desideratur, ejus quidquid adest in tonum muscutorum sustinendum totum impendi potest: vires itaque organorum sanguinem promoventium sunt quam integerrimæ, sanguis ad encephalon quam maximo fertur impetu et copiâ, gravitate suâ haud oppugnatus; ergo, nervosâ cerebri potestate salvâ persistente, integræ servantur organorum circulationi dicatorum vires, et sic, his functionibus alterâ alteri subsidium ferentibus, evenit, ut citra animi deliquium tanto majorem evacuationem homo recumbens facile ferat. Hanc opinionem confirmare videtur remedium quo ad Syncopen, per evacuationem inductam, curandum utimur, situs scilicet corporis recumbens.

Auctam, quoad systema hæmatophorum, cerebri energiam, Diathesin Phlogisticam appellare velim.

Hiscæ de sanguinis circuitu, cerebrique functionibus præmissis sententiis, nunc effectus quos venæsectionem in morbis sanandis edere vidi, breviter enarrabo. A primo usque ad hodiernam diem ab

omnibus sanctissime receptum fuit, quod in inflammationibus phlegmonoideis, præsertim si adsit pyrexia, nullum præstantius, nullum presentius quam phlebotomia remedium dari. Sed non solum ad curandos, sed etiam hosce ad morbos præcavendos hujus remedii administrationem utilem inveni (si modo Tironis experientiæ fidere licet) nam cum ad chirurgiæ studium accingebam, contigit ut in nosocomio peramplo omnes, quos recens injuria affligebat, mihi curæ essent ægri; et tunc temporis, hujusce praxis utilitas mihi haud opinanti sese obtulit, præsertim in ægris fracturâ laborantibus, quos hoc modo tractare solebam. Rigore, pallore amotis, qui injurias omnigenas sæpissime stipant, vultu ad rubidinem jam proclivi, protinus sanguinem ex amplâ plagâ, (si modo roboris ætatisque constantis æger fuit), ad uncias sexdecim misi; et horâ elapsâ propinandum dedi catharticum ex salium neutrorum quorundam solutione, et hoc felicissimo cum successu; nam in casibus plerisque nec inflammatio, nec spasmi membri affecti ægrum vexabant. Longe vero aliter res sese habuit, si quâcunque de causâ

mem-

membrum inflammatione prius correptum fuisset, quam sanguis mitteretur ; tunc enim spasmi musculorum incessanter partes fractas ex loco dimoverunt, dolor acerbus ægotantem in furorem adegit. His etiam in angustiis, præstantissimum vel potius unicum remedium venæsectio præbuit. Sanguis flumine et modo quam plenissimo educatur ; vires paulatim collabuntur, immanis furor in levem desipientiam, aliena subinde musitantem, vertitur, fudor erumpit ubertim, et in lectum decumbenti placidus obrepit somnus : ex quo expergiscens æger mente jam fruitur sanâ.

Effectus quam maxime salutare præbet sanguinis detractio in illâ tussi, quæ phthifim vel jam incipientem vel futuræ metum designat.

Hujus remedii utilitas vel potius necessitas sequentibus cognoscitur signis. Tuffis rauca sicca : Dolor permanens, circumscriptus, quem omnis ad tuffiendum conatus exasperat, in aliquâ thoracis parte ; ex hâc sede tanquam ex centro leves, lancinantes dolores pulmonem quaquaverfum transfigunt, temporis intervallis

nunc

nunc longioribus nunc brevioribus. Constrictionis sensus liberam impedit respirationem. Sæpe irritatio perennis in Glottide vel in Trahea tussim indefinenter excitat vanam ; haud raro tamen ægrotus pauxillum feri, vel pituitæ tenuis, mucosæ nec infrequenter sanguine leviter tinctæ, magno non sine labore exscreat. Noctes somno vacuas agit, molesto caloris urentis sensu cruciatus. Hæc symptomata, quæ pulsum plerumque durum, parvum et frequentem comitem habent, venæsectionem fastigant ; cujus evacuationis mensura ex ægroti robore, et ætate, habitu corporis, et doloris intensitate optime discetur : In genere vero octo vel decem sanguinis uncia levamen optatum afferent ; in raris quamvis casibus symptomata vidi primâ evacuatione minime sublevatâ, repetitâ prorsus fugata fuisse. De repetendæ evacuationis utilitate vel salute medico judicare licet ex prioris effectibus. Nam si pulsus nec celerior nec infirmior evadat, presertim si durus persistet, maximeque si rivo pleniore, et ictu firmiore tangentis digitum feriat, nec ægrotantis vires dilabuntur ; tunc non

folium sine incommodo, sed etiam fructu cum uberrimo vena iterum tundatur, et sanguis flumine et modo pleno, vel saltem non parco mittatur. Omne tamen periculum, omne malum, hæc sola medicina haud adimet: Quæ vero supersunt emplastro vesicanti super sedem doloris applicato citissime plerumque cedunt: Neque jam spernendæ sunt oppii vires: Hujus cum aliquo liquore mucilaginoso permixti pauxillum sorbeat æger urgente tussi: Quod si tussis haud molesta foret tunc magis arridet haustus ex laudano liquido cum vini antimonialis idonea quantitate horâ somni propinandus. Pulvis sudorificus compositus maximo cum fructu exhiberi potest parvulis in dosibus, terve quaterve in die repetendus, si tussis adhuc vexet si cutis arida liberam, citra tamen sudationem, perspirationem postulet. Hæc medela (si modo in posterum ut diæta habilis esset ægroto curæ fit, si exercitio utatur constanti sed leni, si subito admotum corpori frigus evitet) semel adhibita, vel quoties recrudescant symptomata, repetita, plurimos per longum tempus, imo etiam per longam vitam

vitam a Tabe Pulmonariâ immunes fervere nullus dubito.

Neque in pthifis ingreffu folum, fed etiam ubi nullus quæftioni locus eft quin æger pthifi laborat confirmatâ Phlebotomiam prodeffe vidi. Hic vero caute procedendum eft; hic medicus ex doloris intenfitate, respirandi difficultate, pulfu, affueto venæfectionis ufu et ætate judicet quid valeant, quid ferre recufent vires, ane hæc evacuatio utilis foret, ane prorfus omittenda eft. Quod fi utilem fore judicet parcâ tamen manu mittendus eft. Hac de re differens medicus te ingenio et obfervatione nulli fecundus, JOANNES PRINGLE Eques, his utitur verbis: \* “ I have found thefe  
 “ fmall bleedings not only beneficial in old coughs,  
 “ threatening confumptions, but alfo after hectic  
 “ fymptoms had appeared. The quantity of  
 “ blood drawn, was from four to feven ounces  
 “ once in eight or ten days, and fometimes a vein  
 “ was opened after fhorter intervals. It was obfer-  
 “ vable, that the patients never found themfelves  
 “ fo

“ so much relieved on the first as on the second  
 “ or third night after bleeding. Nor would I re-  
 “ commend this method for common practice,  
 “ without making great allowance for the strength  
 “ of soldiers, and suiting the quantity of blood to  
 “ be let, to the condition of weaker patients.”

Nonne verosimile est, quod incommoda quæ  
 nosocomium castrense inseparabiliter comitantur,  
 ædium et cubiculorum humiditas, stragulorum  
 penuria, &c. milites horum malorum recrude-  
 scentiæ obnoxios reddidêrunt. Mihi certe hac-  
 tenus minime videre contigit ægrum, vel pthi-  
 sin ingruentem formidantem, vel confirmatæ  
 succumbentem, molestiis tam gravibus angî,  
 quam ad lanceolæ usum intervallis his brevissimis  
 repetendum medicum impellant.

In illo Phlegmasiarum genere quæ a Nosologis  
 Enteritidem vel Peritonitidem audit, sanguinis  
 detractio pene unicum remedium est ; vel saltem  
 sine quâ alia quæcunque medicamenta profus  
 inutilia fore timeo. Hoc ex paucis, dolendis at-  
 tamen exemplis, didici : Mihi enim quatuor con-  
 tigit



tigit hunc videre morbum medicis et experientiâ et prudentiâ nulli secundis tractatum, infausto tamen in omnibus eventu, et hoc, pace tantorum virorum, nimis parcæ sanguinis detractiōni tribuendum cenſeo. Si enim analogiam hic adducere licet, omnibus plane patet hujus remedii utilitas vel potius neceſſitas inevitabilis. Mihi itaque videtur illam inflammationem quæ Lithotomiam ſequitur, vel Herniã incarceratã comitatur, in ſuâ naturâ quã ſimillimam Peritonitidi eſſe: Imò, ut inter ſe diſcrepant haud in animo concipere poſſum; omnibus vero chirurgis, et quod haud minus ad rem eſt, omnibus Lithotomis itinerariis bene notum eſt huncce morbum quam citiſſime et quam certiſſime lethalem fore, ſi principiis largâ venæſectione non obſtiterint, et ad hanc, veluti ad aram, protinus confugiunt. Nec tali in caſu poſſunt, iisdem ac in cæteris plerisque phlegmaſiis dirigi ſignis; neque enim pulſus validus et durus hoc remedium indigitant, imo e contra pulſus celer et perquam parvus talem evacuationem, pernicioſam veluti futuram,

vetaret ; ergo pulſui quam minime fidentes ad dolorem ſolum animos advertunt ; et hoc ſigno edocti ſanguinem largiffime detrahunt, unde dolor mitior, pulſus plenior evadunt neque hic gradum fiſtunt, ſed hanc repetent evacuationem donec omnis omnino remiſerit dolor. Plerumque in tali praxi accidit, ut ſanguinis copioſiſſimas evacuationes tam facile et cum tantillo virium diſpendio ferant ægri, ut pene pro miraculo fuerit.

Maxime tamen dolendum eſt quod in Peritonide, morbo tam ſubito lethali, hoc unicum ſignum, hoc ſolum auſpicium, dolor ſcilicet acerbus, ſæpe deſideratur. Ita ut veniam impetrem ſpero dum breviter exponam ſigna, quæ hunc morbum deſignare, hoc remedium indigitare videntur, et ad quæ notanda impulſus fui a morte repentinâ et inopinâtâ illius quem huic morbo ſuccumbentem primum vidi.

Morbo jamjam naſcente, dolor abdominis pungens et ſat circumſcriptus eſt ; brevi, ponam unius diei tempore, dolor diſfuſus, minus pungens evadit. Abdomen tumidum et tenſum leviffimum

etiam tactum non sine dolore ferat. Pulsus parvus, frequens, usque ad centum cum viginti, vel etiam centum cum quadraginta in horæ minuto. Urina pauca, ægre, nec magno sine dolore reddita; nec tumor ullus, nec dolor specialis in vesicæ urinariæ regione sese tactui prodit. Corporis jactatio ægrum angit, plerumque corpus ad anteriora inclinatur vultus cruciatum peracutum haud designans, nec facile verbis describendus; neque magis graphice aut clare hunc depingere possûm, quam vultui conferendo hominis anxietate intolerabili devicti. Vultus vero utut difficilis depictu, attamen semel observatus, in posterum facillime cognoscendus erit. Sitis, frequentes forbitiunculas, potius quam plenos haustus, postulat. Neque omittendum est quod cutis, presertim artuum inferiorum, admodum friget; sæpe sudore manat frigido maximeque cum morbus in necem tendit. Enemata raro injici possunt, vel, si forte fortunâ parcius injici possint, plerumque sine fœcum admistione redduntur. Hæc signa, si omnia vel pleraque simul adsint, protinus ad sanguinis

nis

nis largam detractionem tanquam ad aram noi-  
met recipere necesse habeo ; ex plagâ tam am-  
pla mittendus est ut sine lypothymia unciaë sex-  
decem vel viginti educantur ; quodsi fanguine  
fluente pulsus plenior evadat, et quasi sese expli-  
cat tunc uberrimo cum fructu ad uncias viginti  
quatuor fluere sinamus. Nec, quamvis symptoma-  
tum levamen hæc prima evacuatio haud afferet  
manus jam sistenda est ; sed exinanitionem hanc-  
ce iteremur si ægri vires multum non fractæ sint,  
si dubitationi vix est locus quin æger enteritide la-  
boret ; hâc enim omiffâ evacuatione, nulla salu-  
tis spes (me iudice) supereft in totâ, quam mate-  
ria medica continet, medicamentorum farragine.  
Induciis sic pactis, hoc remedium iterum, fortasse  
multoties repetere opus foret.

Hic aliquis dicat : “ Signa jamjam allata enter-  
itidem vel peritonitidem non tam accurate defig-  
nant, quin errori locus fit, et Nephritis, Colica, aut  
alii morbi veluti enteritis tractentur.”

Esto : Mihi enim experientia fat amplâ non  
comprobata sunt signa recensita pro Páthogno-  
moni

monicis : Attamen ab omnibus concessum fore judico quod pleraque hæc signa, si non inflammationem jam presentem, saltem futuræ metum indicant, et hoc concessio, regimen præscriptum non modo sine periculo, sed summo cum commodo adhibitum futurum. Podagra, forsitan, retrogressa, vel hysteria exquisita hic exceptionem præbebunt. In his vero raris exemplis, historia morbi vel signorum prægressorum, omne eximet scrupulum.

Neque soli phlebotomiæ enteritidis cura committenda est, nec alia spernamus in rebus tam angustiis auxilia laudata, imprimis cathartica, vesicantia abdomini imposita, et enemata. Sanguinis detractioe semel celebratâ, porrigamus cathartica, sic dicta, drastica (præmissis extracti opii grano uno aut altero ut sedatur nausea et vomitus), scilicet Calomel, Jalapiam, Gambogiam, Aloem, et alia, quæ, parvâ mole, effectus edunt magnos. Hæc in pillularum minutissimarum formam redacta, et intervallis brevibus exhibita, ventriculum non gravabunt, et ideo lon-

ge anteponenda videnter iis, quæ formæ liquidæ vel indolis sunt mitioris; hæc enim, mole tantâ exhibere necesse est ut vix evenire queat quin vomitionem reducant, et sic spem medici fallant, ægroti cruciatus plurimum augeant.--- Emplastra vesicatoria proximum occupabunt locum, nam iterum et sæpius evenit ut cathartica et enemata quæ longum per tempus in ventre intestinisque jacuissent inertia, plenum et salutarem edidisse effectum illo in temporis puncto, quo primum vesicatorium in abdomen impositum stimulare sensit æger.

Medici et famâ celebres et omni fide digni narunt quod omnibus hæctenus enarratis incassum adhibitis, alvum ciere tentati sunt Nicotianæ fumo follis ope in intestina immisso. Alii alvum ducere tentati sunt aquâm per syphonem idoneum injiciendo, et hæc tanta copiâ fuit adhibita ut non modo crassa intestina impleret, sed superato isto renixu, qui a valvula coli oritur, tenuiora intraret. Hoc vero, satis manifestis de causis, non temere tentandum est.

In illâ hæmorrhagarum specie quæ activa dicitur sanguinis missio remedium haud inusitatum, haud inutile est; attamen ni fallor, et multo felicius sese præbuiſſet, si modo rebus quæ maxime presentibus, adhibitum fuiſſet: Ut meam hâc de re sententiam exponam, paulo fufius de hæmorrhagiæ activæ naturâ dicere, neceſſe habeo.

Hæmorrhagiam itaque activam in suâ naturâ ad inflammationem phlegmonœideam proxime accedere vel analogam esse duco: Signa enim caloris, doloris, pulsationis utriusque sunt communia; morbus uterque haud raro est localis, nec minus raro utrumque pyrexia vel præit, vel comitatur. Remedia eadem morbis in utrisque similes edunt effectus, sanguinis scilicet detractio vesicatoria prope partem affectam, aer frigidus, emetica, vel potius medicamenta quæ nauseam ciunt: Et inflammatio et hæmorrhagia morbi sedem sic afficiunt, ut prona sit ad recidivationem. Si sententia jamjam allata fatis firma fit, in aperto erit hæmorrhagiam pro causâ suâ, ut dicitur, proximâ, plethoram non agnoscere. (inflammatio enim

fæpe in corpore inani oritur) ideoque plethoræ a-  
 motio, nec in totum noſtrum tenebit animum, nec  
 ut indicium præcipuum in hæmorrhagiâ curandâ,  
 feſe offeret. Nec tamen prorfus prætereunda eſt,  
 utpote quæ, cerebrum excitando, vim muſcu-  
 lorum tonicam auget, et Diatheſin efficit phlo-  
 giſticam: Hæc vero vel hæmorrhagias inducit vel  
 fæpe comitatur. Rejeçtâ ut cauſa hæmorhagiæ  
 plethorâ, ſola, ni fallor, ſupereſt abnormis ac-  
 tio ſyſ-  
 tematis hæmatophori, et forſan congeſtio in mor-  
 bi ſede. Quibus igiturne remediis huic abnormi  
 ac-  
 tioni occurrendum eſt? Mihi videtur omnia me-  
 dicamenta quæ ad hunc fiſtendum fluxum utilia  
 adhuc inventa ſunt; e. gr. emetica, acida large  
 ſumpta, alumen, &c. &c. hunc effectum edidiſſe  
 inducendo rigorem, naufeam levem, et neſcio  
 quam debilitatem et in animi deliquium proclivi-  
 tatem; et ſic ac-  
 tione abnormi vaſorum hæmato-  
 phorum ſuppreſsâ, vel prorfus amotâ; ſanguinis  
 circuitus dehinc æquabilis, et leges ſecundum na-  
 turæ fiet, donec cauſa aliqua excitans ac-  
 tionem  
 reducet abnormem. Cum itaque ſanguinis miſ-  
 ſione



fione ad hæmorrhagiam compescendam uteremur, minus ad sanguinis circumfluentis copiam minuendam, quam ad hanc nauseam, debilitatem et in animi deliquium proclivitatem inducendas operam dare oportet. Hoc ad efficiendum nullum præstantius, nullum, cujus regimen æque in nostra fit potestate, remedium invenietur, quam venæsectio; homine scilicet erecto, et plagâ exempliâ sanguis educatur. Si vero plethora et metus adfit ne alterâ vice homorrhagiam, vel recidivæ proclivitatem afferat, tunc homine decumbente, et miniore e plagâ quantum ad sanguinis redundantiam tollendam sufficit, opis est nostri educere. Mihi etiam videtur quod, præmissâ sanguinis jacturâ non modo emeticorum securam sed aliorum remediorum administrationem efficacem reddet, modo haud absimili, ac in Rheumatismo acuto sanguinis detractio præmissa efficacem reddit diaphoreticorum usum.

In morbo qui adhuc pene invictus grassatur, Hydrocephalo interno, remedia quæ profutura videntur proponere proculdubio fas erit: et in hoc  
jam-

jamjam nascente, non ullum magis quam phlebotomia mihi arridet. Quæ me hanc in sententiam induxerunt, exaudi.

Ætas quæ huic morbo præcipue obnoxia est ea scilicet, in quâ caput versus sanguis pro ratâ parte maxima copia fertur. Symptomata quæ morbum incipientem comitantur: e. gr. Dolor capitis, nausea, vel vomitus, alvus pertinaciter adstricta, oculi lucem refugi-entes: Hæc omnia etenim signa et adfunt, et conjunguntur in ægris cerebri vel meningum inflammatione correptis, quod omnibus Chirurgis sæpe videre licet. Huc etiam tendunt cadaverum sectiones. Quos enim morbus, jamjam nascens, e medio abstulit in his (ni fallor,) cerebrum meningisque plurimis scatebant vasis sanguine adeo turgidis, ut arte anatomicâ repleta esse videbantur; paululo solmodo aquæ in cerebri ventriculos effuso: Quod si cursu morbi absoluto, æger fato succubuisset, inflammationis vestigia vel nulla vel pauca omnino sese spectanda præbuerunt; aquæ magnâ copiâ effusâ.

In illorum morborum quibusdam quos illustris nosologus CULLEN, sub ordine Spasmi disposuit, mihi videtur, sanguinis detractionem haud raro idoneum et præstans remedium inventum iri. Quæ vero signa hanc evacuationem admittant, quæ hanc flagitent, singulatim nunc dicere, et temporis et experientiæ defectus vetant.

F I N I S.





